

People
plus

AR
NOU PARTI, NOU LALIT
PLI DETERMINEN KI ZANMEN

DO DO SAT MARON OU'N KANMI

Wavfel in gaspiy plizyer erdtan Lasanble yer pour bat latet son sipoter pour fer krwar ki i annan en sans pour fer lepep Seselwa al dan eleksyon pour li en setyenm fwa esey vin prezidan- pou-

vwar ki i oule pour li ganny larzan ek privelez, sa voras.

San imilite, san laont, sa loder dan Lasanble ki pou kolekte en sonm pre 80 mil roudi par mwan, si pa plis, in gaspiy trwakar zournen travay, kan i in ti'n kapab servi sa letan dan benefis

bann ki'n pile.

Antouka, pour sa sel zour ki in travay sa semenn, lo sa 80 mil roudi in gaspiy 20 mil roudi larzan taks lepep Seselwa pour vin debat en mosyon ki napa okenn sans aköz aksyon Prezidan Michel pa ilegal. Konmdir Prezidan Michel in ganny en landrwa pour li vin kon-

plent, gronyen e ya les Lakour trankil.

Sa ki fer lapenn dan sa sitiasyon se ki par son aksyon Wavfel pa zis pe target Prezidan Michel ek Parti Lepep me kalkil son revanz lo Lalyans Seselwa.

Deco ti annan rezon, Wavfel in oule hijack gouvrenman, hijack Lasanble.

DEMISYONNEN ! *ou en loder*

DEMISYONNEN !

WAVEL

Inerve, i montre ledrwa lo Jude. Bann solda Lepep dan Lasanble pa per ou Wavel.

E zot annan tout afe rezon pour demann ou pour demisyonnen, akoz wi

ou dan Lasanble pour akimil larises lo tiket ou kanmarad. Ou letan in ekspire. Ou'n fel. Ou'n tyake pour antre Lasanble.

Lepep i mont ou pin dan Lasanble, ou reakte parey pti baba plenyard.

Demisyonnen, les nouvo zenerasyon pran ou plas.

Sak fwa ou pou lev ou latet e get lot kote latab ou pou war ou demantibilizater- sa zenn politisyen ki'n anvoy ou do do. Fer li fasil pour ou, demisyonnen!

SERVI LASANBLE POUR KOZ LALANG

Zot ti akiz nou bann manm pour vin bwat dite. Yer, Lasanble in pran plizyer 'break' dite pandan ki Wavel in fors zot diskrit en mosyon ki napa okenn sans, ki pa pou abouti dan nan-ryen.

Si zot ti'n travay pour benefis lepep, tya en lot zistwar. Me domaz nou'n war Wavel pe laswaf pouwar parey son labitid, e son bann

manm obor li pe fer komedi pe fer Lasanble riye.

Ladanmenm Wavel in vin koz lalang pour dir ki 31 mil dimoun in vot pour li. Les nwa dir li ki 21 mil ti vot pour li, 8500 ti vot pour Pat Pillay, 400 ti vot pour Alexia e 400 pour Boule.

Par kont 31500 ti vot pour Prezidan Michel ek son running mate Danny Faure.

Sa pret malediksyon komdir Doyace in ler pour pran son retret akoz i pa pou zanmen vin prezidan.

OLI ZOT ANKOR SA SEMENN? LDS TI DIR LASANBLE POU TRAVAY 3 FWA

Dan plas gaspiy resours Lasanble, Darzan taks lepep Seselwa, Wavel ti merit gard son parol ki zot in donn zot siporter.

Zot ti dir ki Lasanble merit zwenn 3 fwa par semenn. Oli zot ankor sa semenn? Wavel ti war ki nou bann MNA pa travay ase, i ti obliye ki travay MNA pa zis dan Lasanble. La zot pa koz ditou lo la. Lepep pe note!